

# Su'aalaha Badanaa La Iska Waydiiyo EBT-ga Safmarka Daryeelka Ilmaha (P-EBT) & P-EBT ga Daryeelka Ilmaha ee Xagaaga

Sanad Dugsiyeedka 2020-2021 (Juun 3, 2021)

---

## S1: Waa maxay P-EBT ga Daryeelka Ilmuhu?

J: Waa gunno cunto oo ku meel gaadh ah oo ay ansixisay dawladda federaalka ahi si ay uga caawiso qoysaska carruurta ka yar da'da 6 sano inta lagu gudo jiro safmarka COVID-19.

---

## S2: Yaa u qalma gunnooyinka P-EBT ee Daryeelka Ilmaha?

J: Qoysaska Vermont ee hela gunnooyinka 3SquaresVT ee leh carruurta ka yar da'da lix. Gunnooyinka P-EBT ee Daryeelka Ilmaha waxa la siin doonaa bil walba bilawga Oktoobar 2020 illaa Juun 2021 qoysaska u qalma.

---

## S3: Waa Maxay P-EBT ga Daryeelka Ilmaha ee Xagaagu?

J: P-EBT ga Daryeelka Ilmaha ee Xagaagu waa kordhin gunnooyinka P-EBT ga Daryeelka Ilmaha ah inta lagu gudo jiro xagaaga.

---

## S4: Yaa u qalma gunnooyinka P-EBT ga Daryeelka Ilmaha ee Xagaaga?

J: Qoysaska Vermont ee helaya gunnooyinka 3SquaresVT ee leh carruurta ka yar da'da lix wakhti kasta inta lagu gudo jiro muddada xagaaga (Julaay iyo/ama Agoosto 2021) waxa ay heli doonaan gunnada Daryeelka Ilmaha Xagaaga oo dhamaystiran.

---

## S5: Waa intee in le'eg gunnada P-EBT ga Daryeelka Ilmuhu?

J: Gunnada P-EBT ga daryeelka ilmuhu waxay la mid tahay qiimaha isku-dhafka P-EBT, kaasi oo ah \$71.61 ilmihii walba bishiiba ee Oktoobar 2020 – Febraayo 2021. Qiimayaasha Maarso – Juun 2021 waa hooseeyaan iyadoo ay sababtu tahay hoos u dhaca qiimayaasha P-EBT ee dugsiiga maadaama dugsiyadu ku laabteen sida badan waxbarashada fool-ka-foolka ah gu'ga:

- o Maarso 38.19
- o Abriil \$37.51
- o Maajo \$33.42
- o Juun \$30.69

Carruurta u qalanta gunnada Daryeelka Ilmaha ee P-EBT waxa ay heli doonaan kharash bixinno bishiiba oo ka bilaabmaysa Oktoobar 2020 illaa Juun 2021, ama bishii u dambaysay ee isqorista 3SquaresVT ee qoyska, labada taariikhood ta horaysa.

---

## S6: Waa intee in le'eg gunnada P-EBT ga Daryeelka Ilmaha ee Xagaaga?

J: Isugeynta gunnada P-EBT ga xagaaga ee daryeelka ilmuhu waa \$375 ilmihii. Si ka duwan gunnada Daryeelka Ilmaha ee billaha ah ee joogtada ah, gunnada P-EBT ga Daryeelka Ilmaha ee

Xagaagu waa gunno halmar ah oo xaddi sugan ah taas oo daboosha bilaha xagaaga ee Julaay iyo Agoosto labadaba.

---

**S7: Goorma ayaa la bixin doonaa gunnooyinka P-EBT ga Daryeelka Ilmaha iyo gunnooyinka P-EBT ga Daryeelka Ilmaha ee Xagaaga?**

J: Wareegga hore ee gunnooyinka (Oktoobar 2020 - Maajo 2021) waxa la bixin doonaa dabayaaqada Luulyo/horraanta Agoosto 2021. Gunnooyinka Juun 2021 waxa la bixin doonaa dabayaaqada Sibtembar 2021, iyada oo ay la socoto gunnada P-EBT ga Daryeelka Ilmaha ee xagaaga. Taariikhahani waa kuwo is beddeli kara, fadlan markasta ka eeg websaytkan Su'aalaha Badanaa La Is Weydiiyo ee cusub.

---

**S8. Sidee ayaan u ogaanayaa hadii qoyskaygu u qalmo?**

J: Waaxda Adeegyada Dhaqaale (ESD) ayaa go'aamin doona in ilmahaagu yahay mid u qalma, iyaga oo ku salaynaya shuruudaha sare. Haddii aad tahay mid u qalma, waxa aad warqad ka heli doontaa ESD taas oo kuu sharxaysa sida iyo goorta aad heli doonto gunnada.

---

**S9: Hadii aanu u qalanno, sidee ayaanu u heleynaa gunnooyinkan?**

J: Gunnooyinka P-EBT ga Daryeelka Ilmaha waxa lagu bixinayaa kaadhka EBT kaas oo lagu siiyey qoyskaaga gunnadaada 3SquaresVT.

---

**S10: Ilmahayga waxaa wada koriya laba qoys. Sidee gunada loo heleyaa?**

J: Gunada waxaa loo diri doonaa qof wayn oo ku qoran Madaxa Qoyska 3SquaresVT oo ay ku qortay ESD.

---

**S11: Maxaan ku iibsan karaa gunadan?**

J: Ka eeg [liiska agabyada cuntada ee u qalma](#) websaytka USDA.

---

**S12: Halkee ayaan ku isticmaali karaa kaadhkayga EBT?**

J: Waxa aad u isticmaali kartaa inaad ku iibsato cunto meel kasta oo qaadata 3SquaresVT. Waxaa taas kamid ah booshariyada, subermaarkeetyada, tukaamada, iyo badanaa suuqa beeralayda ee Vermont. Macluumaad dheeraad ah ka oggow [websaytka EBTee](#)DCF.

---

**S13: Caruur iigu ma jiraan daryeelka ilmaha. Miyaan heleyaa gunadan?**

J: Haa. Dhammaan carruurta ka yar da'da lix iyo kuwa helaya 3SquaresVT waa ay u qalmaan.

---

**S14: Waxa aan leeyahay carruur kale oo ka weyn da'da lix. Miyey yihiin kuwo u qalma gunnada P-EBT ga daryeelka ilmaha?**

J: Maya. Gunnada waxa heli kara oo keliya carruurta helaya 3SquaresVT isla markaana ka yar da'da lix. Fadlan eeg Su'aalaha Badanaa La Iska Weydiiyo P-EBT ga Dugsiga si aad u hesho macluumaad dheeraad ah oo ku saabsan gunnooyinka ay heli karaan carruurta da'da dugsiga ahi.

---

**S15: Sidee ayay noqonaysaa hadii aanan doonaynin gunadan?**

J: Kaqaybgalku waa ikhtiyaar. Haddii aad doorato inaanad ka qaybqaadan, ha isticmaalin gunooyinka dheeraadka ah ee kusoo dhaca kaadhkaaga EBT 3SquaresVT.

---

**S16: Gunnooyinka P-EBT wakhtigoodu ma dhici doonaa haddii aan la isticmaalin?**

J: Haa. Gunnooyinka P-EBT wakhtigoodu waa uu dhici doonaa haddii aan kaadhka lagu adeegsan muddo 274 maalmood gudahood ah.

---

**S17: Waxa aan qabaa su'aalo dheeraad ah. Halkee wax badan ka ogaan karaa?**

J: Waxa aad tagtaa <https://dcf.vermont.gov/esd/covid19/P-EBT> ama wac 1-800-479-6151 ikhtiyaarka 7 si aad u hesho macluumaad dheeraad ah.

